



Бүсийн ХДХ: Голомт банк

Байршил:	МОНГОЛ
Төслийн дугаар:	52759
Бизнесийн салбар:	Хадгаламжийн зээл (банк)
Мэдэгдлийн төрөл:	ХУВИЙН ХЭВШИЛ
Байгаль орчны ангилал:	Санхүүийн байгууллага
Батлагдсан огноо:	2025 оны 8 дугаар сарын 22
Статус:	Батлагдсан
Англи хэлээр нийтэлсэн огноо:	2025 оны 9 дүгээр сарын 1
	Мэдээлэл олж авах тухай удирдамжийн 1.4.2 (iii) хэсгийн дараахь заалтын дагуу: "Захирлуудын Зөвлөлөөс зөвшөөрөл олгох эрхээ шилжүүлсэн Банкны удирдлагын баталсан төслүүдийн хувьд ЕСБХБ үүсгэн байгуулах тухай Хэлэлцээрийн 13 (iii) дахь зүйлд заасны дагуу Банкны гишүүн улсад үл татгалзах тухай мэдэгдэл явуулах тухайн хугацааны эхэнд Төслийн хураангуй тойм баримт бичгийг ил нийтэлнэ."

Төслийн танилцуулга

ЕСБХБ-ны Худалдааг дэмжих хөтөлбөр (ХДХ)-ийн дагуу Голомт банк ХК (ГБ)-д баталгаа болон бэлэн мөнгө хэлбэрээр олгох ХДХ-ийн баталгаат бус хязгаарлагдмал зээл.

Төслийн зорилго

Санал болгож буй ХДХ-ийн зээлийн шугам нь ГБ-ны худалдааг санхүүжүүлэх бизнесийн цаашдын хөгжилд дэмжлэг болно. Тус Банк худалдааны санхүүжилтийн хэрэгслүүдийг ашиглаж ирсэн ихээхэн туршлагатай бөгөөд ХДХ-ийн нөхцөл хангасан транзакцийн найдвартай сувагтай. Санал болгож буй шугам нь Банкны хувьд үйлчлүүлэгчдийнхээ худалдааны санхүүжилтийн эрэлт хэрэгцээг хангах, өөрийн харилцагч банкуудын сүлжээг өргөтгөхөд чухал ач холбогдолтой.

Шилжилтийн нөлөөлөл

Хүлээгдэж буй шилжилтийн нөлөөлөл (ETI)-ийн оноо: 63

Тус ХДХ-ийн санхүүжилтийн хязгаар нь Шилжилтийн нөлөөллийн нэгдмэл, тэсвэрлэх чанарыг дэмжих болно.

Нэгдмэл чанар: ХДХ-ийн санхүүжилтийн хязгаар нь нийт салбаруудын хувьд худалдааны санхүүжилтийн хүртээмж, олдоцыг нэмэгдүүлж, улмаар бүтээгдэхүүн, үйлчилгээний олон улсын зах зээлд гарах гарцыг сайжруулах юм.

Тэсвэрлэх чанар: Тус дэд үйл ажиллагаа нь оролцогч банкнуудын худалдааг санхүүжүүлэх чадавхийг сайжруулах замаар ур чадварыг түгээх явдлыг дэмжинэ.

Үйлчлүүлэгчийн тухай мэдээлэл

ГОЛОМТ БАНК ХК

Шинэ үйлчлүүлэгч болох Голомт банк ХК (“ГБ”, эсвэл “Голомт”) нь Монголын арилжааны хоёр дахь том банк бөгөөд нийт хөрөнгө нь 4.5 тэрбум ам.доллар, зээлийн багц нь 2.1 тэрбум ам.доллар, үндсэн хөрөнгө нь 418 сая ам.доллар болж, 2024 оны эцсийн байдлаар зах зээлийн 21.6 хувийг эзэлж байна. Тус Банк өнөөдрийн байдлаар Moody’s компаниас B2/Тогтвортой, S&B болон Fitch компаниас B+/Тогтвортой гэсэн үнэлгээ аваад байна.

Нэмэлт ашиг тус

Санхүүжилтийн бүтэц: ЕСБХБ үйлчлүүлэгчийн хувьд зах зээл дээр байдгаас илүү урт **хугацаа (tenor)** санал болгож байгаа бөгөөд тэр нь төслийг бүтэцжүүлэхэд шаардлагатай юм.

Эрсдэл саармагжуулах: Бусад **ОУСБ/ арилжааны санхүүжүүлэгчид зээлийн дээд хязгаартаа хүрчихээд байгаа** тодорхой орон/бүс нутаг дахь эрсдлийг шингээх ЕСБХБ-ны чадвар.

Эрсдэл саармагжуулах: ЕСБХБ нь орны, зохицуулалтын, төслийн, эдийн засгийн мөчлөгийн зэрэг **санхүүгийн бус эрсдэл**, эсвэл улс төрийн эрсдлийг **саармагжуулах** замаар санхүүгийн, стратегийн үйлчлүүлэгчид, хөрөнгө оруулагчдын итгэлийг нэмэгдүүлдэг.

Байгал орчин, нийгмийн тойм

Санхүүгийн байгууллага (FI) ангилал (БОНБ 2019)-д багтаж буй. Голомт нь шинэ үйлчлүүлэгч бөгөөд ЕСБХБ-ны 2019 оны Байгаль орчин, нийгмийн бодлого (БОНБ) болон ЕСБХБ-ны Гүйцэтгэлийн шаардлага (ГШ) 2, 4 ба 9, түүний дотор Үл зөвшөөрөх жагсаалт, Хяналтын жагсаалтыг дагаж мөрдөх шаардлагатай. Үйлчлүүлэгчээр байгаль орчин, нийгмийн нарийвчилсан үнэлгээны асуумж бөглүүлэх, түүнтэй хоёр талын шугамаар харилцах замаар нарийвчилсан үнэлгээ хийж дууссан. Үйлчлүүлэгч одоогийн байдлаар ОУСК-тай харилцан ажиллаж байгаа бөгөөд тиймээс ч байгаль орчин, нийгмийн эрсдлүүдийг үнэлж цэгнэх, удирдан зохицуулах байгаль орчин, нийгмийн эрсдлийн менежментийн чадавхитай болсон. Гэхдээ, ГШ 2-ыг бүрэн дагаж мөрдөх, ЕСБХБ-ны хөрөнгийг ашиглан санхүүжүүлж буй бүх дэд төсөл дээр Үл зөвшөөрөх жагсаалт, Хяналтын жагсаалтыг хэрэгжүүлэх явдлыг хангах талаар зарим нэг шинэчлэл хийх шаардлагатай болно. ЕСБХБ-наас дэмжиж байгаа дэд төслүүд нь байгаль орчин,

нийгмийн эрсдэл багатай байх хүлээлттэй бөгөөд худалдааны санхүүжилт, ЖДҮ-ийн зээллэг дээр төвлөрч ажиллах юм. Голомтын одоогийн байгаль орчин, нийгмийн менежментийн тогтолцоо нь байгаль орчин, нийгмийн эрсдлийн түвшинд нь тохирч байгаа бөгөөд түүнийг үр дүнтэй ашигладаг байх шаардлагатай. Голомт бас худалдааны санхүүжилт, ЖДҮ-ийн зээллэгтэй холбоотой БОН-ийн эрсдлүүдийг ангилах, үнэлэх, саармагжуулах, хянах талаар ЕСБХБ-ны байгаль орчин, нийгмийн эрсдлийн менежментийн удирдамжид нийцүүлж ажиллах хэрэгтэй. Голомт банк БОН-ийн жил бүрийн тайлангаа ЕСБХБ-нд хүргүүлж байх шаардлагатай. Голомтын зээлээр санхүүжилт авсан дэд зээлдэгчид үндэсний байгаль орчин, эрүүл мэнд, аюулгүй ажиллагаа, хөдөлмөрийн шаардлагуудыг хангаж ажиллах ёстой.

Техник хамтын ажиллагаа ба Буцалтгүй тусламжийн санхүүжилт

ХДХ-ийн ТХА-ны хүрээнд ТХА-ны ердийн төслүүд, түүний дотор зөвлөх үйлчилгээ үзүүлэх, Худалдааны санхүүжилтийн талаарх цахим сургалтын хөтөлбөрт хамруулах, худалдааны санхүүжилтийн төрөл бүрийн сэдвээр интерактив семинар зохион байгуулах зэрэг тусламж ГБ-нд санал болгож байх бөгөөд үүгээр ч хязгаарлагдахгүй болно. Мөн Голомт банк ХДХ-ийн ногоон транзакц эхлүүлэх, бүтэцжүүлэх явдлыг дэмжих төрөлжсөн техник тусламжийн ашиг тусыг хүртэх юм.

Компанитай холбоо барих мэдээлэл

Хатагтай Энхзаяа Баярсайхан, Олон улсын банкинг хариуцсан захирал

enkhzaya_b@golomtbank.com

+976 7575-1111 /1553/

+976 11-313155

<https://golomtbank.com/en>

Голомт банкны Төв байр, Д. Сүхбаатарын талбай 5, Шуудангийн хайрцаг 22, Улаанбаатар 15160, Монгол Улс

ТХТ-ыг хамгийн сүүлд шинэчилсэн

2025.09.01

Шилжилтийг ойлгох нь

Шилжилтийн нөлөөллийг хэмжих чиглэлд ЕСБХБ-ны баримталдаг арга хандлагын талаарх нэмэлт мэдээллийг [эндээс](#) авна уу.

Бизнес боломжууд

Бизнес боломжууд болон худалдан авалтын талаар үйлчлүүлэгч компанитай холбогдоно уу.

ЕСБХБ-тай хамтран ажиллах боломжууд (худалдан авалттай холбоогүй)-ын талаар сонирхвол дараах утасны дугаар, цахим хаягаар холбоо барина уу.

Утас: +44 20 7338 7168

Цахим шуудан: projectenquiries@ebrd.com

Төрийн хэвшлийн төслүүдтэй холбоотой мэдээлэл авахыг хүсвэл [ЕСБХБ-ны Худалдан авалт](#) хэсэгт зочилно уу.

Утас: +44 20 7338 6794

Цахим шуудан: procurement@ebrd.com

Ерөнхий лавлагаа

Дэлгэрэнгүй лавлагааг [ЕСБХБ-ны Лавлагааны маягт](#) ашиглан авах боломжтой.

Байгаль орчин, нийгмийн бодлого (БОНБ)

[БОНБ](#) болон холбогдох Гүйцэтгэлийн Шаардлагууд (ГШ) нь ЕСБХБ-ны “байгаль орчинд ээлтэй, тогтвортой хөгжил”-ийг хөхиүлэн дэмжих үүрэг амлалтаа биелүүлэхэд баримтлах арга замуудыг тодорхойлдог. БОНБ болон ГШ-д үйлчлүүлэгчийн зүгээс олон нийтийн мэдээлэл, хэлэлцүүлгийн талаарх үндэсний хууль тогтоомжийн холбогдох заалтуудыг дагаж мөрдөх, мөн оролцогч талуудын санал гомдол, ялангуяа үйлчлүүлэгч ба төслийн байгаль орчны болон нийгмийн гүйцэтгэлийн талаарх санал гомдлыг хүлээн авч, шийдвэрлэдэг гомдол барагдуулах механизм бий болгох тухай тодорхой заалтууд багтсан байдаг. ЕСБХБ нь аливаа төслийн байгаль орчны болон нийгмийн эрсдэл, нөлөөллийн мөн чанар, цар хүрээнд дүйцүүлэн, тухайн төслийн улмаас үүсэх эрсдэл, үр нөлөөллийн тухай мэдээллийг шаардлагын дагуу ил болгох, эсвэл оролцогч талуудтай утга учиртай зөвлөлдөх, тэдний санал хүсэлтийг харгалзан үзэж, хариу өгөх нэмэлт шаардлагыг үйлчлүүлэгчиддээ тавьдаг.

Энэ чиглэлд ЕСБХБ-ны хэрэгжүүлдэг практикийн талаарх нэмэлт мэдээллийг [БОНБ](#)-д оруулсан болно.

Бүрэн төгс байдал ба комплаенс

ЕСБХБ-ны Комплаенс хариуцсан Захирлын Ажлын алба (КЗАА) нь сайн засаглалыг хөхиүлэн дэмжиж, олон улсын шилдэг практикт нийцүүлэн Банкны бүхий л үйл ажиллагаан дахь бүрэн төгс байдлыг хамгийн дээд стандартаар хангахад анхаарч ажилладаг. Төслүүдийн зүгээс Банкинд бүрэн төгс байдал, нэр хүндийн хувьд хүлээн зөвшөөрөх боломжгүй эрсдэл үүсгэхгүй байх нөхцлийг хангахын тулд тус Банк бүх үйлчлүүлэгчийнхээ бүрэн төгс байдалд нарийвчилсан үнэлгээ хийдэг. Банк аливаа асуудлыг төслийн үнэлгээг батлах үе шатанд илрүүлэн тогтоож, шийдвэрлэх нь Банкны транзакцийн бүрэн төгс байдлыг хангах хамгийн үр дүнтэй арга зам гэж үзэж байна. КЗАА нь эдгээр хамгаалалтын арга хэмжээг авахад голлох үүрэг гүйцэтгэж, мөн төслүүдийн хөрөнгө оруулалтын дараах бүрэн төгс байдлын эрсдлийг хянахад тус дөхөм үзүүлдэг.

Түүнчлэн, КЗАА нь ЕСБХБ-ны санхүүжүүлсэн төслүүдтэй холбоотой залилан мэхлэлт, авилга, хээл хахууль болон буруу үйлдлийн талаарх гомдлын мөрөөр судлан шалгах үүрэгтэй. Банкны ажилтнууд, эсвэл гадна байгаа хэн ч бай залилан мэхлэлт болон авилгал үйлдэгдсэн хэмээн сэжиглэж буй тохиолдолд Компаенс хариуцсан захиралд compliance@ebrd.com цахим шуудангийн хаяг руу бичгээр илтгэх ёстой. Мэдээлэгдсэн бүхий л асуудлын мөрөөр хянан шийдвэрлэх ажлыг КЗАА гүйцэтгэнэ. Нэр хаягтай болон нэр хаяггүй бүх мэдээллийг шалгана. Мэдээллийг Банкны албан ёсны хэл болон үйл ажиллагаа явуулдаг улс орнуудын хэлний алианаар ч үйлдэж болно. Ирүүлсэн мэдээлэл нь чин сэтгэлийн байх ёстой.

Мэдээллийн хүртээмжийн бодлого (МХБ)

МХБ нь 2020 оны 1 дүгээр сарын 1-нээс хүчин төгөлдөр хэрэгжиж эхэлснээс хойш ЕСБХБ мэдээллийг хэрхэн олон нийтэд ил тод болгох, өөрийн стратеги, бодлого болон үйл ажиллагааны талаарх мэдлэг, ойлголтыг нэмэгдүүлэн сурталчлах чиглэлд оролцогч талуудтай хэрхэн зөвлөлдөх арга замуудыг тодорхойлсон байдаг. ЕСБХБ-ны вэб сайтаас ямар мэдээлэл авах боломжтойг мэдье гэвэл [Мэдээллийн хүртээмжийн бодлого](#) хуудсанд зочилно уу.

Мэдээлэл авах тодорхой хүсэлтээ [ЕСБХБ-ны Лавлагааны маягт](#) ашиглан илгээх боломжтой.

Төслийн хариуцлагын хараат бус механизм (ТХХБМ)

Хэрэв байгаль орчин, нийгэм болон мэдээллийн ил тод байдалтай холбоотой санал гомдлоо үйлчлүүлэгч болон Банкинд тавьж шийдвэрлүүлэх (жишээлбэл: үйлчлүүлэгчийн Төслийн түвшний гомдол барагдуулах механизмаар дамжуулж, эсвэл Банкны удирдлагатай шууд харилцах замаар) оролдлого, хүчин чармайлт нь амжилтгүй болвол, хувь хүн болон байгууллагууд санал гомдлоо ЕСБХБ-ны Төслийн хариуцлагын хараат бус механизм (ТХХБМ)-аар дамжуулан шийдвэрлүүлэхийг зорьж болно.

ТХХБМ нь Төсөлтэй холбоотой бусдад хор хохирол учруулсан (эсвэл учруулж болзошгүй) гэж үзэж буй асуудлуудыг хараат бусаар хянан шалгадаг. Энэхүү Механизмын зорилго нь байгаль орчин, нийгэм болон мэдээллийн ил тод байдалтай холбогдох асуудлуудыг шийдвэрлэх талаар Төслийн оролцогч талуудын хоорондох яриа хэлэлцээг дэмжих; Банк өөрийн [Байгаль орчин, нийгмийн бодлого](#), эсвэл [Мэдээллийн хүртээмжийн бодлого](#)-ын Төсөлд холбогдох заалтуудыг дагаж мөрдсөн эсэхийг тогтоох; мөн шаардлагатай тохиолдолд Банкны зүгээс эдгээр бодлогод үл нийцсэн зөрчлийг арилгах, түүний зэрэгцээ цаашид тийм зөрчил гарахаас урьдчилан сэргийлэхэд оршино.

ТХХБМ болон түүний эрх үүргийн талаар илүү ихийг мэдэхийг хүсвэл [Төслийн хариуцлагын хараат бус механизмын вэб сайт](#), хянан шалгуулах хүсэлт тавих бол [Хүсэлт](#) хаягаар тус тус хандана уу. Эсвэл ТХХБМ-ын талаар, мөн санал хүсэлт хэрхэн тавих тухай чиглэл заавар, нэмэлт мэдээлэл авах бол ipam@ebrd.com цахим шуудангаар хандаж болно.

